



Broj: 10-04-3621-30/23

Sarajevo, 22.03.2023. godina

**SKUPŠTINA KANTONA SARAJEVO**  
**-Skupštinska služba-**

**PREDMET** : Odgovor na zastupničku inicijativu – dostavlja se

Zastupnica Fatima Gavrankapetanović – Smailbegović u skladu sa članom 213. Poslovnika Skupštine Kantona Sarajevo (“Službene novine Kantona Sarajevo”, broj 41/12 - Drugi novi prečišćeni tekst, broj 15/13, 47/13, 47/15, 48/16, 9/20, 14/20, 16/22 i 17/22 - Ispravka), na četvrtoj Radnoj sjednici Skupštine Kantona Sarajevo, održanoj dana 08.02.2023.godine, u okviru tačke Dnevnog reda “Poslanička/zastupnička pitanja, inicijative i odgovori” uputila je zastupničku inicijativu za osiguranje finansijskih sredstava za liječenje oboljelih od upalnih reumatskih bolesti u Kantonu Sarajevo.

U vezi sa pokrenutom zastupničkom inicijativom dostavljamo slijedeći:

**ODGOVOR**

Ministarstvo zdravstva Kantona Sarajevo je predmetnu zastupničku inicijativu dostavilo Zavodu zdravstvenog osiguranja Kantona Sarajevo te zatražilo odgovor i mišljenje u vezi iste. Zavod zdravstvenog osiguranja Kantona Sarajevo je dana 21.03.2023.godine dostavilo odgovor na zastupničku inicijativu, akt broj 01-33-5-3645-1/23 od 20.03.2023.godine, u kojem je detaljno naveo aktivnosti koje se provode putem Protokola o realizaciji programa obezbijedenja biološke terapije za liječenje osiguranika oboljelih od reumatoidnog artritisa i sličnih oboljenja čiji su potpisnici Zavod zdravstvenog osiguranja Kantona Sarajevo, Ministarstvo zdravstva Kantona Sarajevo, Klinički centar Univerziteta u Sarajevu i ugovorne apoteke.

S poštovanjem,

**MINISTAR**

**Prof. dr. Haris Vranić**

Dostaviti:  
- naslovu  
- a/a

Amra H.O.

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
ZAVOD ZDRAVSTVENOG OSIGURANJA  
KANTONA SARAJEVO  
Ložionička br.2, Sarajevo



БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
КАНТОН САРАЈЕВО  
ЗАВОД ЗДРАВСТВЕНОГ ОСИГУРАЊА  
КАНТОНА САРАЈЕВО  
Ложионицка бр.2, Сарајево

Broj: 01-33-5-3645-1/23  
Sarajevo, 20-03-2023

1419

Bosna i Hercegovina  
Federacija Bosne i Hercegovine  
KANTON SARAJEVO

PRIMLJENO: 21-03-2023			
Organizaciona jedinica	Klasifikacioni oznaka	Redni broj	Broj priloga
10	04	3621	131

23

MINISTARSTVO ZDRAVSTVA KANTONA SARAJEVO  
REISA DŽEMALUDINA ČAUŠEVIĆA 1  
71000 SARAJEVO  
N/R PROF. DR. HARIS VRANIĆ, MINISTAR

Predmet: Odgovor na zastupničku inicijativu

Poštovani,

Vašim aktom 01-04-3621-30/22 od 22.02.2022. godine dostavili ste nam zastupničku inicijativu zastupnice Fatime Gavrankapetanović-Smailbegović sa 4. radne sjednice Skupštine Kantona Sarajevo, u kojoj se, između ostalog, navodi: "... Dakle, podnosim inicijativu da se osigura uvrštavanje na listu liječenja biološkom terapijom preko Ministarstva zdravstva i nadležnih fondova, pacijenata sa ovom dijagnozom, kroz uvrštavanje lijekova na esencijalnu listu i odobravanje biološke terapije za liječenje i ove bolesti, a ne samo za onkološke i gastroenterološke pacijente, kako je trenutno slučaj u KS ...".

Zavod zdravstvenog osiguranja Kantona Sarajevo je još 2018. godine zaključio prvi Protokol o realizaciji programa obezbjeđenja biološke terapije za liječenje osiguranih lica oboljelih od reumatoidnog artritisa i sličnih oboljenja čiji su potpisnici pored Zavoda još i Ministarstvo zdravstva Kantona Sarajevo, Klinički centar Univerziteta u Sarajevu, te ugovorne apoteke, a Protokolom je predviđeno liječenje za ukupno 35 pacijenata.

Tokom prethodne godine, Zavod je u cilju poboljšavanja zdravstvene zaštite oboljelih i u kontinuiranoj saradnji sa udruženjem oboljelih od reumatoidnog artritisa, obezbjedio dodatna sredstva i omogućio proširenje ovog Protokola za dodatnih 20 pacijenata, čime je značajno povećan broj ukupnih korisnika ovog Protokola, te se pored njih po automatizmu u ovaj Protokol uključuju i djeca koja navršavaju 18. godina a koja su ranije bila korisnici istog programa za pedijatrijsku populaciju.

Rezultat navedenih aktivnosti je činjenica da se u ovom trenutku obezbjeđuje liječenje navedenim lijekovima za dvostruko više pacijenata nego je to inicijalno predviđeno, tako da se kroz inovirani Protokol sada obezbjeđuje terapija za:

- najviše 55 odraslih pacijenata oboljelih od reumatoidnog artritisa ili psorijatičnog artritisa ili aksijalnog spondilitisa,
- sve pacijente mlađe životne dobi koji su liječenje putem ovog Protokola već započeli kao raniji korisnici programa za liječenje maloljetne djece oboljele od juvenilnog idiopatskog artritisa,
- sve pacijente koji u toku trajanja ovog Protokola navršu 18. godina a raniji su korisnici programa za liječenje maloljetne djece oboljele od juvenilnog idiopatskog artritisa (uz adekvatno medicinsko obrazloženje potrebe nastavka liječenja).



Za liječenje pacijenata putem navedenog Protokola, Zavod je u prethodnoj godini izdvojio 643.951 KM, te pored toga još dodatnih 224.348 KM za liječenje djece kroz Protokol za oboljele od juvenilnog idiopatskog artritisa i srodnih oboljenja. Tokom 2023. godine, predviđeno je izdavanje i dodatnih sredstava za ovu namjenu.

Osim sredstava za dva navedena Protokola, u prethodnoj godini izdvojeno je i preko 2.700.000 KM za finansiranje ostalih Protokola, putem kojih se obezbjeđuju lijekovi i preparati za liječenje oboljelih od:

- Akromegalije
- Cistične fibroze
- Plućne arterijske hipertenzije
- Apsolutne deficijencije hormona rasta kod djece
- Više oboljenja putem enteralne prehrane za djecu
- Više oboljenja putem enteralne prehrane za odrasle
- Celijakije
- Tuberkulozne pacijenata nakon provedenog bolničkog liječenja
- Zloćudnih novotvorenina organa i tkiva koji trpe značajne bolove a kojima je potrebna palijativna njega

Važno je napomenuti da, iako je jedini finansijer cjelokupne liste lijekova u Kantonu Sarajevo, Zavod zdravstvenog osiguranja Kantona Sarajevo nema nikakav uticaj prilikom kreiranja sadržaja listi lijekova (kako kantonalne, tako i federalne), zbog čega smo onemogućeni da aktivno učestvujemo u obezbjeđivanju najboljih uslova za naše osiguranike u pogledu sadržaja listi i dostupnosti neophodnih lijekova koji su im potrebni.

Imajući u vidu svoje realne mogućnosti, Zavod će u narednom periodu, ukoliko se ukaže opravdana potreba, u skladu sa finansijskim mogućnostima, razmotriti i eventualnu mogućnost proširenja broja pacijenata koji bi mogli biti uključeni u Protokola o realizaciji programa obezbjeđenja biološke terapije za liječenje osiguranih lica oboljelih od reumatoidnog artritisa i sličnih oboljenja za odrasle pacijente.

S poštovanjem,



DIREKTOR

Mr. sci. oec. Muamer Kosovac

Dostaviti:

1. Naslovu
2. Direktor
3. Odjel za farmaceutske poslove
4. a/a